

Hepatitis A (infectious hepatitis)

Disease Fact Sheet Series

Hepatitis A yog dab tsi?

Hepatitis A (ua ntej hu uas kab mob hepatitis) yog ib tug kab mob ntawm daim siab uas los ntawm tus kab mob hepatitis A. Tus kab mob mas feem ntau yeej muaj; muaj kwv yees li ntawm ib puas qho tshwm sim txhua xyoo hauv Wisconsin.

Leej twg thiaj li tau hepatitis A?

Leej twg los yeej tau hepatitis A, tiam sis nws tshwm sim heev tshaj rau cov menuam yaus.

Tus kab mob no kis tau li cas?

Tus kab mob hepatitis A nkag ntawm qhov ncauj, mus ua ntau tus hauv lub cev, thiab tawm hauv cov quav uas yuav kis tau zoo heev. Yog tias tsis ntxuav tes kom huv nrog xub npum, tus kab mob yuav nqa tau ntawm tus neeg mob txhais tes. Txij ntawv mus, tus kab mob yuav kis mus rau lwm tus neeg los ntawm kev sib chwv, los sis los ntawm qhov noj khoom noj los sis hauv cov dej uas tsis huv. Vim tias tus kab mob no tawm hauv cov quav, cov menuam yaus uas muaj tus kab mob hepatitis A uas tsis tau xyaum tso zis tom chav dej yuav yog lub hauv paus tseem ceeb tshaj ntawm qhov kev kis. Ib tug kab mob yuav tsis kis tau los ntawm kev tsis chwv hauv chav kawm los sis ntawm cov neeg ua hauj lwm.

Cov tsos mob rau kab mob hepatitis A yog dab tsi?

Cov tsos mob rau kab mob hepatitis A tej zaum muaj qhov nkees ntev heev, noj tsis qab, kub taub hau thiab ntuav. Cov zis tej zaum yuav tsaus zog, thiab jaundice (taws nqaij daj daj thiab qhov muag dawb) yuav tshwm sim. Tus kab mob no tsis tshua muaj qhov yuav tuag taus thiab feem ntau cov neeg nws rov zoo nws yam uas tsis muaj teeb meem dab tsi tom qab ob peb plua (week). Cov menuam mos liab thiab cov menuam yaus me feem ntau muaj mob me me los sis tsis muaj tsos mob dab tsi li, thiab yuav tsis muaj jaundice li cov menuam uas loj zog thiab cov laus. Cov neeg uas muaj teeb meem rau daim siab ua ntej, tshwj xeb tshaj yog cov uas muaj hepatitis C, yuav mob heev yog tias lawv tau tub kab mob hepatitis A.

Cov tsos mob yuav tawm hov sai?

Cov tsos mob tej zaum yuav tshwm sim li ob rau xya plua (week) tom qab kis, tiam sis feem ntau tshwm sim li plaub plua (week) tom qab kis.

Tus neeg uas tau tus kab mob no yuav kis tau tus mob no mus lawm hov ntev?

Lub sij hawm kis pib li ob plua ua ntej cov tsos mob tshwm sim, thiab ua txuas mus li ntawm ib plua (week) tom qab muaj jaundice.

Kev tau tus kab mob no yav dhau los puas yuav tim thaiv tau tus neeg kom tsis txhob kis tau ntxiv lawm?

Thaum uas ib tug neeg rov qab zoo los ntawm tus kab mob hepatitis A, nws yuav tau kev tiv thaiv mus tag ib sim thiab yuav tsis nqa tus kab mob no ntxiv lawm.

Qhov kev kho rau tus kab mob hepatitis A yog dab tsi?

Tsis muaj ib hom tshuaj tshwj xeeb los sis cov tshuaj txhaum uas yuav siv tau los cawm hepatitis A thaum uas cov tsos mob no tshwm sim. Feem ntau, qhov uas yuav tau ua yog so saum txaj.

Yuav tiv thaiv kab mob hepatitis A li cas?

Tib txog kev uas yuav tiv thaiv tau qhov kis tus kab mob hepatitis A yog ntxuav tes kom zoo tom qab siv chav dej, tom qab hloov menuam daiv pawm, thiab ua ntej ua khoom noj. Qhov kev tu kom du lug tseem ceeb heev vim tias tus neeg uas tau hepatitis A yuav kis tau rau lwm tus li ntawm ob plua (week) ua ntej lawv paub tias lawm mob. Ntxiv thiab, cov neeg mob yuav tsum tsis txhob kov khoom noj rau lub sij hawm uas yuav kis tau.

Rau cov neeg uas twb tau tus kab mob hepatitis A los lawm, kev txhaj koob tshuaj immune globulin yuav txo tau qhov kev uas yuav ua mob, yog tias txhaj li 14 ntawm hnub uas raug los. Cov neeg hauv tsev neeg, cov kev sib chwv tom chaw zov menuam, los sis kev chwv lwm tus neeg ua tau tus kab mob no yuav tsum tau hu rau ib tug kws kho mob los sis lawv lub caj meem fai saib xyuas kev kaj huv ntawm cev txog qhov uas yuav tau koob immune globulin. Hauv ib qho chaw ua hauj lwm thiab hauv chav kawm ntawv, cov kev tsis chwv yuav tsis tas tau koob tshuaj immune globulin.

Muaj koob tshuaj uas tiv thaiv tus kab mob hepatitis A, tiam sis yuav tsum tau muab li pluab plua ua ntej yuav kis tau. Vim li ntawv, qhov kev siv tsuas yog rau cov neeg uas yuav raug tus kab mob hepatitis A zoo yav pem suab, xws li cov neeg uas ncig mus txawv teb chaws uas muaj tus kab mob no (xyuas hauv CDC lub website rau qhov uas qhia kev kaj huv ntawm cev rau cov neeg uas mus ncig txawv teb chaws ntawm www.cdc.gov/travel).

Lwm pawg neeg uas tej zaum yuav muab koob tshuaj rau los sis koob tshuaj yuav pab tau yog:

- cov neeg uas muaj mob hauv daim siab (nrog rau cov neeg uas muaj tus kab mob hepatitis C)
- cov neeg uas muaj mob ntawm cov ntshav txaws
- cov txiv neej uas rov qab deev txiv neej
- cov neeg uas ua hauj lwm los sis nyob hauv cov tsev uas rau cov neeg loj hlob tsis zoo nyob
- cov neeg uas siv cov tshuaj tsis raug cai
- cov neeg uas nyob hauv cov zej zos uas muaj kab mob hepatitis A ntau thiab yuav muaj tus mob no thoob hauv lub zej zos.

Cov koob tshuaj muab ob koob, muab li rau mus rau kaum ob lub hlis sib nrug. Thawj thawj koob yuav tiv thaiv tus kab mob hepatitis A pib li plaub plua (week) thiab kav li ib xyoos. Koob ob muab kev tiv thaiv mus ntau ntau xyoo thiab tej zaum tseem tag nrho yus txoj sia thiab.

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE
COMMUNICABLE DISEASE EPIDEMIOLOGY SECTION.
PPH 42054 (Rev. 05/04)